

Uspješno završeno Svjetsko prvenstvo u futsalu koje je održano u Oslu, Norveška od 03-05. 2019 godine

Sve čestitke i veliko hvala domaćinu i organizatoru Savezu udruženja građana BiH u Kraljevini Norveškoj Velike čestitke pobjednicima turnira ekipi dijaspore BiH u Republici Audtirji

Pismo zahvale koje je uputio predsjednik SSD BiH Hasan Šehović

Dragi Prijatelji

Zadovoljstvo nam je podijeliti sa vama pismo koje smo dobili od predsjednika Svjetskog saveza dijaspore, gospodina Hasana Šehovića:

Postovani,

ovim putem želim da se zahvalim svim ekipama koje su učestvovala na 16.SP bosanskohercegovačke dijaspore u futsalu koje je održano u oslu od 03.-05.05.2018.

Posebno se zahvaljujemo domaćinima, Savezu udruženja BiH građana u Norveškoj, koji su sve učinili da naš boravak u Oslu bude ugodan.

Predsjednik Miralem Bećirović i supruga, neumorni Fadil Dizadarević, član GO Dženan Nović, zatim privrednici iz Norveške koji su sponzorirali SP, Mujo Hamzić i mnogi drugi koji su volonterski dali svoj doprinos da bi ova naša manifestacija bila uspješna.

Zahvaljujemo se i IZ u Norveškoj na celu sa glavnom imamom u Norveškoj Senid ef Kobilicom i predsjednikom Izvršnog odbora IZ Adnanom Osmičićem koji su također bili sponzori i bili prisustni u dvorani na svim utakmicama.

Zahvaljujem se i svim članovima GO SSD BiH koji su bili u pratnji svojim ekipama i na taj način uvećali manifestaciju.

Posebno hvala Nj.E. ambasadoru BiH u Norveškoj g.Nedimu Makareviću koji je svo vrijeme bio uz nas, davao nam podršku od prvog dana i otvorio vrata ambasade gdje smo imali i žrijeb i koktel nakon žrijeba.

U razgovoru sa većinom predstavnika ekipa, posebno zvaničnicima iz BiH, ambasadorom u Norveškoj, stekao sam potpuno uvjerenje da su svi zadovoljni organizacijom i prijemom u Oslu, a da je SSD BiH zajedno sa svojim članicama, poslije Izmira prošle godine još jedanput pokazao kako se organizuju ovakve manifestacije.

Samo prisustvo predstavnika iz dva ministarstva na državnom nivou, ambasade BiH, kao i pokroviteljstvo Fudbalskog/Nogometnog saveza BiH, direktan prenos utakmica i reportaže na FB, zatim prisustvo najjače privatne TV kuće iz BiH Hayat TV, ustvari pokazuje važnost ovoga događaja.

Posebne čestitke šampionu, ekipi Austrije, koja je i pored žalosti za prerano preminulim kapitenom Edvinom Hodžićem smogla snage da ponovi trijumf iz Izmira.

Naravno čestitke i svim ostalim ekipama na fer i sportskom nadmetanju, na druženju, razumijevanju, stvaranju neraskidivih poznanstava, a ne smijemo zaboraviti da je nakon ovakvih susreta uvijek pobjednik ustvari naša domovina Bosna i Hercegovina.

Veliko hvala članovima Sportske komisije, a posebno vrijednim za zapisničkom stolu na čelu sa Nijazom Alijagićem iz Holandije i Muhamedom Mujakićem iz Švedske koji su neumorno pratili i bilježili sve važne detalje od prve do poslednje finalne utakmice.

Jos jednom hvala i čestitke na kvalitetnim nastupima svim ekipa i do viđenja na narednom 17. SP ,a svim učesnicima do tada želimo svako dobro.

S poštovanjem...

Hasan Šehović